

Predsjednik

Dobro došli na Kongres o instrumentima lokalnih i regionalnih vlasti u sprečavanju seksualnog nasilja nad djecom.

Prema dostupnim podacima otprilike jedno od petero djece u Evropi žrtva je nekog oblika seksualnog nasilja, jednog od najgorih oblika nasilja nad djecom.

Kampanja Vijeća Evrope, JEDNO od PETERO ima za cilj rješavanje tog pitanja podizanjem svijesti i promovisanjem politika i strategija za opremanje djece, njihovih porodica/pružatelja skrbi, vlada i lokalnih i regionalnih vlasti znanjem i alatima za sprečavanje seksualnog iskorištavanja i zlostavljanja djece. Države članice Vijeća Evrope, Parlamentarna skupština i Kongres lokalnih i regionalnih vlasti zajedno saraduju kako bi osigurali promjene zakonodavstva i politika za zaštitu djece.

Lokalne i regionalne vlasti, zajedno sa partnerima kao što su treći sektor, javne organizacije i privatni sektor, odgovorne su za zaštitu i promovisanje sigurnosti i dobrobiti djece i mladih ljudi. Izazov s kojim su suočeni gradovi i regije Evrope jest kako povećati svijest o tom pitanju, kako izraditi i provoditi planove djelovanja i strategije koje imaju svoju osnovu u zajednici, i kako investirati u bolje usluge.

Kongres je osmislio ovaj Pakt gradova i regiona za zaustavljanje seksualnog nasilja nad djecom i predlaže mjere i strategije, od jednostavnih i ekonomičnih inicijativa do sveobuhvatnih politika, koje se svrsishodno mogu provoditi na unapređivanju ciljeva ove kampanje.

Kongres je pripremio ove instrumente koji nude lokalnim i regionalnim vlastima, udruženjima, NVO-ima i drugim zainteresovanim stranama, prijedloge za politike, strategije i alate kako bi se spriječila zlostavljanja, zaštitile žrtve, krivično gonili počinioci i osiguralo puno učešće djece u cijelom procesu. Instrumenti nisu sveobuhvatni, više se radi o uvodu koji pruža neke korisne ideje koje će pomoći u čuvanju djece od seksualnog iskorištavanja i zlostavljanja.

Pogledajte ove instrumente da saznate više o mjerama koje se mogu preduzeti u borbi protiv seksualnog nasilja nad djecom – i slobodno podijelite informacije sa drugima!

Pozivam Vas da se opredijelite za borbu protiv seksualnog iskorištavanja i zlostavljanja djece potpisom Kongresovog Pakta gradova i regija za zaustavljanje seksualnog nasilja nad djecom online: www.coe.int/congress-oneinfive.

Jean-Claude Frécon

